


BAKURUBASANNI

(nimoro 12 songo)

Mali kono = Dorome 300

Afiriki kono = Dorome 600

Jamana were = Dorome 1000



Kunnafonisében bota kalo o kalo. BP: 24 Telefoni : 21-21-04. Bozola Bamako-Mali. San 30nan boko 362nan A songo : dorome 15

Marisikalo san 2002

Mali goferenaman nemogo kura : Modibo KEYITA

San 2002, marisikalo tile 18, Mali jamanakuntigi ALifa Umaru KONARE ye goferenaman nemogo Mande SIDIBE bisimila Kuluba.

Mande SIDIBE y'a n'a ka minisiriw bee lajelen ka baarabilasében di peresidan Alifa Umaru KONARE ma u ka kumanogonya senfe.

Jamanakuntigi Alifa Umaru KONARE y'a fo, k'a walenumandon a ka baara numan na goferenaman nemogoya la, o k'o k'a labila.

Nka o marisikalo tile 18 kelen na, Alifa Umaru KONARE y'a demebaga do bila Mande SIDIBE no na, no ye Modibo KEYITA ye.

Peresidan Alifa Umaru KONARE ye baara 7 kalifa a ka goferenaman nemogo kura Modibo KEYITA la, minnu ye :

1 - Wote nataw labenni kojuman laadiriya ni jelenya kono k'a hakili to :

a) fangaso ka lafasabaliya la ka nesin fan kelen ma, i n'a fo pariti do wali ton were.

b) wotew sariyaw batoli n'u tiimeli kojuman.

c) kumanogonya basigili politikitonw

ni nogn ce

d) kuma dili politikitonwnijekulu werew ma wotew kadara kono faso togola arajo nitelewison jabaranin na n'a ma ke ni jenawoloma nifisamanciya were ye.

2 - Ka danaya sinsin Mali n'a demebagaw ni baaraknogonw ce hadamadenyakow bee la ni :

a) hadamadenya kumanogonya sinsinni ye.

b) Bolodijogonma ni nogn deme benkansében kono k'waleyalili ye.

3 - Ka teme ni soroko feere bolodalen baaraw ye.

a) danaya kono n'an demebagaw ye



Goferenaman nemogo kura :
Modibo KEYITA

baarako ni nafoloko sira kan.

b) maliden magobatigw kana to k'o kumanogonya n'o nogn yew la.

4 - Ka jamana foroba namafenw bee labaarali kolosi : hadamadenyako, minenko ani nafoloko siraw kan.

5 - Ka «KANI-2002» ka baara numan waleyalenw bee makaran, k'u don da numanw fe :

a) k'u ke nafajininanw ye.

b) k'u ka nafolo ladonta segesegé
6 - Ka Afiriki soroko taabolo kura waga bolen «NEPAD» kunkun n'a jenjen tomo fangaso ni politikitonw ni jamanadenw bee ye, walasa u k'a nafa don, k'a k'u yere halalafen ye.
7 - Ka jamana foroba baara gelénw bee jatemine waati ni waati hadamadenya ni soroko ni maradanceboko la.



Togodaw yiriwali minisiri kura Madamu SISE Mariyamu Kayidama SIDIBE

KONKO

Mali minisirinemogo kura ye jon ye ?

Minisiri Madamu Buware Fili Sisoko ni «AMAPU» baarakelaw ye nogn baro

Negesira ciyakeda be degun na

Mogo 24 minnu y'u kan bo jamanakuntigya nofe

Politikiton 15 y'u ka baaraw taabolow dantigé

San 2002 Wotekow : Kana basigili feereba bolodalen

Maliden 5.746.202 yamarualen don kalata la

Peresidan Alifa ye kunnafonidilaw jaabi.

Dine miliyaritigw jiginna

Samataségew degekaramogo taara

ne 2

ne 3

ne 3

ne 4 ani 5

ne 6

ne 9

ne 9

ne 10

ne 11

ne 12

Mali goferenaman koro minisiriw tora unona

Togodaw yiriwali minisiri Amédi Eli Madani JALO kelen k'a kan bo jamanakuntigya nofè, Madamu Sise Mariyamu Kayidama Sidibe bilal'a no na. Madamu SISE Mariyamu Kayidama SIDIBE si be san 54 na; sann'a ka bila Eli Madani JALO no na tonba nema tun don, tonba min nesinnen don ja kéléli ma sahelijamanaw kono, n'a be wele ko «SILISI».

Cemancefanga waati la san 1991 Mariyamu Kayidama SIDIBE kera feew ni kokankow minisiri ye.

Goferenaman kura sigira nin cogo la:

- Minisirinémogo ni Afiriki dorognogonna minisiri :
Modibo KEYITA

- Togodaw yiriwali minisiri :

Madamu Sise Mariyamu Kayidama Sidibe

- Mali kokankow ni kofè malidenw ka minisiri :

Modibo SIDIBE

- Sorodasi Kuluw ni sorodasikorow ka minisiri :

Sumeyilu Bubeyi MAYIGA

- Hadamadenya yiriwali ni bolodinogonma ni megokorobaw ka minisiri :

Mmu Jakite Fatumata NJAYI

- Kalanko ni ladamuni minisiri :

Musitafa DIKO

- Jamanadenw ka lakanani minisiri :

Zenerali Cekura DUNBIYA

- Muso ni den ni denbaya ka netaa minisiri :

Mmu Jara Afusatú CERO

- Izinikow ni jagokow ni taransiporikow minisiri :

Mmu Ture Alimata TARAWELE

- Maraw ni sigidaw dancéko minisiri :

Usumani SI

- Kiiritigekow minisiri :

Abudulayi Ogotenbeli PUJUGU

- Kenye sabatili walew minisiri :

Mmu Tarawele Fatumata NAFO

- Sorokow ni nafolokow minisiri :

Bakari KONE

- Bololabaarako ni duguyaalako minisiri :

Mmu Zakiyatú Waleti HALATINI

- Jamana yorokow ni dugukolokow ni kunnafonikow minisiri :

Mmu Buware Fili SISOKO

Damandingew ni kuranko ni jiko minisiri :

Abubakari KULUBALI

- Baarako ni baarakalanko minisiri :

Makan Musa SISOKO

- Seko ni donko minisiri :

Pasikali Baba KULUBALI

- Funankeninw ni farikolojenajekow minisiri :

Usumani Isufi MAYIGA

- Minenko ni jamana labenniko ni sigida lakananiko ni galoduguw labenniko minisiri :

Alasani Agi Hamédi MUSA

Danaya dara musow ni ce minnu kan nin ye Mali peresidan ni goferenaman kuntigi fe, a ninina u fe u ka teme n'u ka baara ye minisirinémogo kerefè ka ben ni jamanakuntigya ka ci kerénenkerénnenn 7 ye, a ye min kalifa goferenaman kuntigi la.

Mali minisirinémogo kura ye jón ye ?

Modibo KEYITA min sugandira peresidan fe k'a bila goferenaman kuntigya la, a bangere Kulukoro san 1942, zuluyekalo tile 31. A y'a ka baju kalanw k'e yen san 1950 ni 1957 ce. O ko, a taara Katibugu cemancekalanso la, ka lakolikaramogoya yamaruyasében soro san 1963. A ye san fila ke denmisénw kalanni na Kenéba dugu kono. A nana Bamako lakolikaramogobaw ka sannakalanyorò la k'o ban san 69.

O kunkorotaseben y'a joyoró bonya kalanko siratige la. San 1972, a kera Mali kalankow nininiyorò kuntigiba ye fo ka taa se san 1977 ma. O san, Modibo KEYITA joyoró sinsinna tuguni ni ciyakedaba wère kuntigya tali ye, n'o tun fana ka baara nesinnen don kalanko ni ladamuniko ma.

San 1979, masalenke min hakili sigilen don n'a b'a ka baara don i ko cikela b'a ka dabakala don cogo min na, a ka minisiri nan'a wele a kerefè kalankow nénaboli kadara kono. Modibo KEYITA y'ajeniyoró finobaara la fo san 1982, waati min na jamanakuntigya nana minisiriso do kakifa a yere la, n'o tun ye baarako ni forobabaara ta ye. A ye san 4 k'e yen, o ko ka ke Mali kokankow ni jekabaarako minisiri ye.

A boro la san 1989, ka lasigiden joyoró soro Alimani, Suwédi, Danimariki, Otirishi, Noriwei ani dijé jamana hörönyalenw ka tonba «ONI» bolofara dagayoró dòw la Zenewu ani Wiyeni. A ye san 3 k'e lasigidienya la, o ko ka segin Mali kalanko minisiri demeni na. A ye san 6 k'o baara la, Mali jamanakuntigya ka soro k'a wele a kerefè san 1999 fo Ala ka n'a wele san 2002, marisikalo tile 18, k'a sigi jamana goferenaman kuntigya la.

Kalanko ni ladamuniko kunkorotaseben caman be Modibo KEYITA bolo. Ce musotigi don, den 5 be min bolo.

Basiriki TURE

Minisiri Madamu Buware Fili Sissoko ni «AMAPU» baarakelaw ye njogon baro



Ka bo nunmanfe ka taa kinin fe Solomani Ture, Cekura Sangare, Dirisa Dunbiya

Alamisadon san 2002 marisikalo tile 7, jamana ka yoro ni dugukolokow ani kunnafonikow minisiri Madamu Buware Fili Sissoko ni «AMAPU» baarakelaw ka njogonye kunba tun ye jamanajemaa ka foli laseli ye baarakelaw ma, k'a sababu ke baarakelaw b'ye ujeniyoro sebekorfin «KANI-2002» la. Minisiri y'a jira ko nin baarakecogo numan ka k'u taabolo ye waati b'ee, sabu a te meen tugun jamana b'ena kalataw damine minnu baaraw wajibiyalen don jamanadenw b'ee kan, kerenkereennya la jamana

k a kunnafonilasela minnu ye forobaw ye. Minisiri y'a jira k'an be don min na i n'a fo b i kunnafonidilanw yerekelen don jamana fan bee fe; o b'a sabati ko f o r o b a kunnafonidilanw ka kan ni deme. «AMAPU» ye min b'u ka baaraw sabati kosebe, sabu AMAPU be jamana ka kow bila fan bee ne. «AMAPU» njemaaba Gawusu Darabo y'a jira ko baarakelaw te foli ni tanuni kono ku ka baaraw ke; nka ni foli ni tanuni bora jamana njemaaba yoro, o be bee wasa ko baarakelaw sigilen don n'o ye k'a fo ni kalataw kuncera foli ni tanuni weres na ke. Ciakeda yoro kelen in na, minisiri ka njemaaya kono nisondiyakene denbayara k'a sababu ke ciakeda mog'o saba taali ye segennafiyebi la. Olu ye Cekura Sangare yen'ale tunye

jatala ye ani Dirisa Dunbiya n'o tun be «AMAPU» ka mansinso la, ka fara Suleymani Ture kan min delila ka baara ke «Kibaru» la, ni mansinbolila tun don, mansin min be sebenw dilan. Cekura Sangare si be san 56 la. Jatalaw ka njemaa tun don; a donna «AMAPU» la san 1969 zanwiye kalo tile folo; a ye san 6 ke Moti sann'a ka se AMAPU sun koro san 1978. A donna forobabaara «Fonkisiyon Pibiliki» la san 1990, njogondan do sen fe. Medayi dir'a ma, a ma meen.

Idirisa Dunbiya bangera san 1945 Tiyesi Senegali jamaana kan. Ayebaara damine «AMAPU» mansinw na san 1961 k'a soro a te forobabaara la. A ye kalan caman ke Alimani. San 1975 a donna forobabaara la, ka sabati mansinko la.

Suleymani Ture bangera san 1949; a donna «AMAPU» la san 1975. Ale tun be forobabaara la, a ye kalan caman ke. Gawusu DARABO y'a jira ko nin baarakela sabaw tun ye ciyakelaw ye halibi la. Minisiri y'a jira u ka ke «AMAPU» jigi ye halibi. A y'a jini segennafiyebi in ka k'u ma here ni lafiya ye.

S. Bajaga
Badama Dukure)

Negesira ciyakeda be degun na

San 2002, marisikalo furance kera waati nagaminenba ye Mali negesirako ciyakeda la. Taratadon, marisikalo tile 19, negesira baarakelaw ka sendikaw ye lajeba do ke u ka njemogoyaso da la, min senfe u ka sendikaw b'ee y'u ka kuntigiba Abubakari JARA ka baarakecogo lagosi.

U ka foli la, negesira ciyakeda kuntigiba in b'a fe cogo b'ee la k'u ka baarada yelema teliya la kenyereyew ka bolo kan.

Ola, an be yoro minna u ko Abubakari JARA y'a bolo don a kono kow b'ee la, hali musaka minnu wajibiyalen don, i n'a fo taji sanni ni mansinw minen tijenew falenni. O temehen ko u y'a jira ko baarakela dow ka sara te ka k'a waati la wa dow yere tu joyorow la u ni minnu ka kan.

Sisikurunbaaralaw yere ka foli la, nin b'ee de sababu la teren kasaaraw te

ka kotige wa terenw fana nali n'u taali sumaya te ban.

Sisikurunbaarakelaw ko benkanseben min b'a wajibya ko negesira ciyakeda man kan ka kalifa mogola ni a baarakela lakika do te, k'o benkanseben kono soora kabini san 1993 ni kuntigiw bilali ye baarada inkunna minnube cika na baarakelaw ka nafaw b'ee don bogola. O de koso, olu y'a jini Abubakari JARA ka bo u kun na, bawo a n'u te kan kelen fo. Kunnafonidilaw ni liyetinan Koloneli Abubakari JARA ye njogon kumajogya ya Sisikurunbaarakelaw ka geleya in kan. A komiye nafoloko geleya ye baarakelaw da sera min ma, o te balanankoye. Bee tun ka kan k'i sigi n'o ye, bawo Bagugo pon min tijena san 2001, zuluyekalo la, n'a ye negesira tige tila 40 jijalen kono, o baara ma kolokolo nafolo ta. Kabini o waati kuntigiba ko njemogoso ye

sendikaw ladonniya geleya nataw la. Bagugo pon karili yere kera sababu ye ka baarakela dow mine k'u don kaso la, u ka bilakojuguya koso. Sisikurunbaarakelaw murutira ofana na ka baara lajo tile 6 kono. O wale fana ye do fara ciyakeda ka geleyaw kan.

Min ye baarakelaw ka sarako bilali ye bolo kelen kan, negesira baarada kuntigiba ko benkan tun soro la san 2002, zanwiye kalo la. Nka ale yere y'a jira b'ee la ko ciyakeda ka nafoloko geleyaw te se ka lateme fo u ka u demebagaw ka danaya soro. A k'an dun be waati min na, olu fana murutilen don negesira ciyakeda ma. Negesira baarada kuntigiba y'a jir'a ka kumajogonya laben na ko «KANI-2002» taamalaw ye njogya min soro Bamako ni Kayi ce KUPUDAFIRIKI waati la k'c fana joyoroka bon ciyakeda ka nafoloko degunw na.

O. KONATE
Basiriki TURE

Mogo 24 minnu y'u kan bɔ jamanakuntigiya nɔfɛ

Jumadon san 2002 awirilikalo tile 5, sariyatigi faamuyalenw y'u ka yamaruya di nɛmogoyaninina 24 ma. Uma son mogo keien de ta ma n'o ye Madamu Sidibe Awa Sanogo ye ka sababu ke ale ma sefawari miliyon duuru sara, min wajibiyalen don sariya fe nɛmogoyaninina kelen-kelen bɛe kan. Muso kelen min tun be nɛmogoyanini na, n'o y'ale ye, o ñor'a la.

Nka lakoliden Lamini Dunbiya tun y'a nin'i ko Amadu Tumani TURE sen ka bɔ nɛmogoyanininaw ja k'a sababuke sariya y'a nin'a fe a ka bɔ larame la cogo min na, a m'o

Sariyaso min ka baara nesinnen don Mali wotekow ñenabolima, o jenna ni mogo 24 minnu kanboli ye peresidaniya nɔfɛ an ka jamanakono, olu file :

- Sumayila SISE bangera san 1949, desanburukalo tile 20 Tumutu. Kunnafonilasagon mansinenzenyiye don. Politikiton «ADEMA» kuntigi dankan filanan ye Sumayila ye. A ka taamasiyen ye «ADEMA» ta ye.



Sumayila SISE

- Musa Bala KULUBALI bangera san 1933, setanburukalo tile 19 Tenkogodo, Segumarala. Kenyereye baarakela faamuyalen don min ka pariti ye «UDEDE» ye. A ka taamasiyen ye jenstuban jeman ye.

sariyaw dafa. Seki Sherifou Jakite fana tun ye la ñiniseben do bila bolon tun te min na ko Yusufu Hasani Jalo fana ni nɛmogoyanini ma kan sabu a be se ka na ni fɔnɔgɔnko ye jamana kono ka d'a ka a ye wajuli do ke min be jamana sariya soso diineko ta fanfela la.

Nka kiiri kuntaala ma janya. Sariyatigiw jenna ni mogo 24 ninnu ka nɛmogoyanini ye. Yerekofa damineña karidon san 2002 awirilikalo tile 8.

Salimu Togola

Basiriki Ture, Badama Dukure

- Cebilen DARAME bangera san 1955, zuwenkalotile 9 ñoro. Sannakaramogo don min ye politikiton «PARENA» kuntigi ye. Cebilen ye ministri koro ye ani «PARENA» depite don. A ka taamasiyen ye sagajigi jeman ja ye negeñ bulalama kan.



Cebilen DARAME

- Habibu DANBELE bangera san 1962, awirilikalo tile 19 San dugu kono. Kotébaden don.

- Mamadu n'a be wele Maribaturu JABI bangera san 1942 Kiban Baganwolo eerela don Mali kókan. A ka pariti ye «PEWUDEPE» ye. Nin y'a siye sabanan ye jamanakuntigiya nɔfɛ. A ka taamasiyen ye diden duuruye, minnu nesinnen don u ka ñunun ma.

- Ibrahima JAKITE bangera san 1945, utikalo tile 29 Bamako. Nafoloko labaariali mogo faamuyalen don.


- Amedi Eli Madani JALO bangera san 1947, marisikalo tile 7 Segu. Sɔroko mogo faamuyalen don mintun ye politikiton «ADEMA» nɛmogokulu mogo koro ye. Eli Madani JALO ye ministri koro ye. A ka taamasiyen ye sege ye min be ka diden saba sama.

- Yusufu Hasani JALO bangera san 1953, setanburukalo tile 10 Fafa n'o be Ansongo. Sɔroko mogo faamuyalen don.

- Daba JAWARA bangera san 1951, utikalo tile 15 Bamako. Forobabaara mogo faamuyalen don. Pariti «PIDS» peresidan don. A ye ministriya baara ke ka tème. A ka taamasiyen ye nsirasun ye.

- Mamadou GAKU bangera san 1956, desanburukalo tile 19 Bananba. Awoka don min ye «CEWOPEPE» politikiton kuntigi ye; o temenen ko depite don bulonba la. A ka taamasiyen dolo nɛremuguma ye.

- Ibrahima Bubakari KEYIT Abangera san 1945, zanwiyekalo tile 29 Kucala. A ye ministriya ni ministri nɛmogoya ke. Politikiton «ERIPEMU» kuntigi don min ka taamasiyen ye gesedala ye.



Ibrahima Bubakari KEYITA

- Modibo Kani KIDA bangera san 1948 setanburukalo tile 11 Segudugu kono. Soro mogo faamuyalen don. Politikiton «ARAMATA» kuntigi dankan folo don.

- Abudulayi Sogolonba KONATE bangera Bankumana - Sibisan 1947. Arajo ni telewison enzeniyeri don. A ka taamasiyen ye Mali jamana ja ye ka «horonya» sebenokannansarakan na.

Madi KONATE bangera san 1948, okutoburukalo tile 12. Kunnafonilasagon mansi enzeniyeri don. Madiye politikiton «PDP» kuntigi ye.

- Majasa MAGIRAGA bangera san 1943, fewuruyekalo tile 10 Noro. Sannakaramogoba don. Politikiton «PPP» kuntigi n'a dilanbaga don. A ka taamasiyen ye lanpan ye.

- Umaru MARIKO bangera san 1958, fewuruyekalo tile 4 Bafulabe. Lakolidenw ka nemogo koro don min ye dogotoro ye sisu. Pariti «SADI» sekeretere zeneral don. A ka taamasiyen ye tege finman ni jeman donnen ye nogon kono.

- Sanusi NANAKASE bangera san 1949 Bananba. Dogotoro don min ka taamasiyen ye sisu ye.

- Mamadu SANGARE bangera san 1954, zuwenkalo tile 6 Bamako. Forobabaara mogo faamuyalen don. Politikiton «SEDESI» kuntigi don. A ka taamasiyen ye dafeje bolito ye.

- Modibo SANGARE bangera san 1955, awirilikalo tile 23 Bamako. Kenyereye magobatigi don min ye politikiton «UNIPERI - FASO DANBE» kuntigi ye.

- Mande SIDIBE bangera san 1940, zanwiyekalo tile 20 Bafulabe. Soro mogo faamuyalen don min kera Afiriki tilebinyanfan jamanaw ka waribon «BCEAO» kuntigi ye ani peresidan Alifa Umarulaadibaga kerenerennen ka fara minisirinemogoya kan. A ka taamasiyen ye sibulu ye.

- Alimami SILA bangera san 1926, setanburukalo tile 10. Djene jamana horonyalenw ka tonba bolofara baarakela koro lasigilen don. Politikiton «ERIDEPE» kuntigidon min sinje fila ye nin ye jamanakuntigiya nofe. A ka taamasiyen ye bolo dayelennen ye.

- Shogeli Kokala MAYIGA bangera san 1958 Tabango n'o be Ansongo fe. Negejurukow enzeniyeri don ani politikiton «EMUPERI» kuntigi. A ka taamasiyen ye jaramanaana ye.



Shogeli Kokala MAYIGA

- Muntaga TALI bangera san 1956, desanburukalo tile 10 Segu. Awoka don min ye politikiton «SINIDI-FASO YIRIWATON» kuntigi ye. A ye depiteya joyoro ke san 1992 ni 1997 ce. Nin y'a sine filanan ye jamanakuntigiya nofe. A ka taamasiyen ye SINIDI-FASO YIRIWATON».ta ye.



Muntaga TALI

- Amadu Tumani TURE bangera san 1948, nowanburukalo tile 4 Motidugu kono. Soredasi jalatigi lasigilen don min kera jamanakuntigi ye sennafanga waati san 1991, marisikalo nisan 1992, zuwenkalo ce A ka taamasiyen y'a yere foto (ja) ye ani ce do foto den fila tege be min bolo. Politikiton 23 y'u kan di Amadu Tumani TURE ma, k'u b'a deme a ka Mali jamanakuntigiya soro olu file :BEDIYA, EREDIYA, MIRIYA, PENIPESI, PESIPE, ERENIDE, PARI, CENIDERI, ARAMATI, PARITI-FAMA, WEFUDE, PEWE-MALI, PESERI, ADESI, PEDIYA, PEDERI, URUPI, WEFUDEPE, PESIDENI, SADI PARISA, PEDES, SENU.



Amadu Tumani TURE

Politikiton 15 y'u ka baaraw taabolow dantige

Pariti 15 y'u fangaw ke kelen ye k'o jekulu tøgoda ko «Jigya 2002», walasa ka se ka ye san 2002 kalataw kenëba kan. Oparitiw file : ERIPEMU, EMUPERI, SINIDI, ERIDEPE, SEPE, EMIDERI, EMUPELO, EMUPEDE, ERIDETE, PEPEPE, PERIDETE, UNUPERI, PEI, ERITIPE, ani PEELEMU.

U y'u bolono bila benkansében na san 2002 marisikalo tile 31 Pale de Kongere la.

U y'a jira benkansében in na k'u b'u fanga ke kelen ye ka fanga yelema sabatisan 2002 in na; nka pariti kelen kelen bee ka danbe b'a no na.

O siratige la u be jøgønkunbenw boloda ka kuma wotekow kan ani jamana kunkow, ka laban ka goferchaman ka kuntilenna boloda ben in sira kan, ka pariti ninnu bee lajelen wele ka goferenaman ka taabolo makaran.

Fanga tali feew hukumu kono, u kelen ka mogo kelen sugandi ka k'u ka fanga ninina ye, u b'a ke cogo bee la kalatalaw ka d'u la k'u ka mogo sugandilen ta, tako filanan mana bo a la.

Min ye depitew sigili kalataw ye, u be ben fen minnu kan, olu file : a ka c'a la paritiw be ben seben kelen kan, n'ye sigidaw jatemine ani politiki pariti minnu be sigidaw la.

Ni ben ma ke, jekulu in pariti kelen kelen bee man'a ka mogo sugandi, pariti bee lajelen b'a ke cogo bee la walasa ka soro wote folow la.

Ni wote folow kuncera ka soro depitew ka seben kelen de be yen, bee b'i fanga fara jøgon kan ka jekulu ka seben makaran. Ni jekulu ka seben ye fila ye wote filanan na, jekulu b'a nini tødenw fe, seben min man'u diya, u ka wote o ye.

Nijekulu ka seben kelen ma yewoteko filanan na, jekulu be jøgonye do bolo da ka ben kelen kan; o be tali ke sigida kelen-kelen bee ka politiki taabolo la. Pariti o pariti minnu ni jekulu in ye

hakilina kelen ye, jekulu in dayelelen don o ye. Pariti nemaa minnu ye kuma ta, u ye ben, sariya labatoli ani fasodennumaya de nini tødenw fe. Uy'a nini tødenw fe, u ka ke kelen ye ka fanga yelema san 2002 awirili kalo

tile 28 nata wote senfe, walasa faso ka bo nogo la sabu, u ka fo la, a be san 10 bo bi faso joginnen don.

Bubakari Kulubali
Badama Dukure

"ADEMA" ye Mande Sidibe ni Eli Madani Jalo gen

«ADEMA» jekulu nemaa y'a jira a ka seben kerénkerénnenn do kono ko Mande Sidibe ni Eli Madani Jalo genna ka bo pariti la. Seben y'a jira k'u genna k'a sababu ke u'yukan bo peresidanya nofe, k'a soro pariti benn'a kan ko Semayila Sise ka ke pariti ka mogo sugandilen ye peredanyasigi la.

Walasa ka wale in sabati pariti nemogo k'ale y'a sinsi pariti ka sariyaden 5 nan kan min b'a kon tøden were k'a kan bo peresidanya nofe n'a m'a ke pariti ka mogo sugandilen ye wali ka seben sankorota min be nemogoya ninina werew koko ke pariti yere ka seben kerénkerénnenn ye.

Badama Dukure.

Woteseben kuraw

San 2002 marisikalo tile 5, Woteseben kura 6.500.000 nana ka bo Faransi faaba kono, n'o ye Pariye. Seben 750.000 b'u la minnu ye jañanadenwtawyeminnubejamana kókan. Seben ninnu dilanni konew tun bilala Faransi gafedilanyoroba ka bo lo kan. U dilanna ni labencogo hakilina kerénkerénnenn ye. Mansin

do dalen don sebenw kan min be sebenjugu tomo ka bo numanw cela. Seben kelen - kelen bee kolosilen don konuman nitaamasiyen saba ye. Følo be ye new na. To fila be ye nin dakabanamansinkerénkerénnennye in'a fo «lupu» ni «erøyon ulitarawiyole»

Suleymani Dunbiya
Badama Dukure

Kolonjebakaw ye sefawari miliyon 560 soro

Jekabaara siratige la, maraseginso demeko sabanan kadara kono Siwisijamana ye sefawari miliyon 560 di Kolonjebakawma, n'oluyé Buguni, Yanfolila ani Kolonjebakaw ka sigidaw ye.

Wariindabora komini ka botawkama sigidaw yiriwali siratige la. Kasabi in konew be jønabo demeniton «Eliwetasi» fe. A in dira ka baaraw

ke san 2002 zuluyekalo ni desanburukalo furance la. Berehima Cero n'o ye Komini ka konseye ye, o y'a jira ko nafolo in bëna don porozeba saba dafé : komini ka porozew, serikiliw ka porozew ani Komini c'e baaraw porozew.

Denisi Kone
Badama Dukure

Ntolatanba kera wasa ye

Ne ye ntola kanubaaciba ye. Ntolatanba min ker'an fe ynan o kera wasaba ye. An ka ntolatannaw ye min ke o ma dogo mog'o si la. Hali ni Mali ma kupu soro ntolatannaw ye baara ke kosebe, sabu mog'o caman tun y'a miiri k'u ka labenw ma sabati.

Mamutu Koyita

Balikukalankaramog'o Komine Segu.

Samatasiegew ni ce !

N be foli ni tanuni ke ka jesin Samatasiegew ma. U ye baara min ke, o diyara ne ye kosebe. Nka ne be min jini ntolatannaw ka nemogow fe, u k'u jija ka ntolatannaw fara nogon kan u ka ntola ci jogonfe ka deli nogon na kosebe.

Musa Fonba Jese-Beleko-Joyila

Woteko waati sera !

Joyoro te senekelaw bolo ni kalataw waati ma se. Don o don politikiton nemogow be senekelaw da la, k'u segen, ko fu ka don u ka tonw na. O ye fen ye min man ni senekelaw ma. Senekelaw lakodoni man kan ka ke kalataw waati doren ye.

Lamini Danbele San.

Binkannikelaw

Kolokani ni Kati ce siraba te son nin waati in na. Feruruyekalo tile 26 k'a dugui'a tile 27 la, binkannikelaw ce duuru binna mobilatigi saba kan sufela la. U ye wari minnu soro mogow kun y'olu bo; nka mog'o ma jogin, wa binkannikelaw tun ye finitigw yere de ye! Ni faamaw ma jenini nin na, a te ben de !

Andere Kane Tilelaji Kolokani

Anw ma kono gen ninan.

Anw fe yan Dogofirian be Ala barikada sabu maloforow kono gen ma k'anw fe yan ninan. An ma kono yere de y'an nena. Ni kono cayara san min na mog'o naani te se ka taari kelen kono gen. Hali kono fagalancankurunt'a ne.

Bayeni Sako Balikukalankaramog'o Dogofiri kaadokan na.

Ce ni muso

Anw fe yan bi ni ce min muso sara, walima n'a muso furu sara, fo tigi ka se duguba kono, n'o te a te muso were soro ka furu.

A'b'o cogo kelen na ni muso min furu sara walima n'a ce ntanyara, o be duguba segere.

Nin ko ye baaraba ye, bawo dugubakontaa se te bee ye.

Bafa Konate

Kunuku Konsofon.

Biduurugananko

Biduuruganankokelen be gelyea y'an ka yoro la. Dow b'a fo ko biduuruganan te dun. O la ne b'a fe kunnafoni ka d'a ko la sabu jagokela dow t'a mine.

Mamadu Jara NPeseribugu

Jaabi

Kibaru ye nin kuma jaabi arajo la. Biduuruganan be dun fo k'a ne. Fosi t'a la. Faama si, waribon si m'a fo folo ko biduuruganan kana mine.

Jaabi.

Bafa Konate y'a jira k'olu bara konsofon Namina mara la, mogow te son ka biduuruganan ni kemeduuriyiye mine; an b'a fo Bafa Konate ye k'o wale ye filiba y'u ka kabilia la, sabu goferenaman m'a fo mog'o si ye ko biduuruganan ni kemeduuriyiye te mine. Fosi kelen t'u la ! U ma tige wa u dunwaati fana ma teme. Wari minnu tun ka kan ka falenna olu falenna faamaw ni waribontigw fe.

Somona samiyeko

Anw fe yan Monipebugu samiyeko ma ne, samiyeko kufolo jena nk'a laban ma ne. Ji tiger ka bini now ma kise ta; o la u ma kise jenama ta tugun. Dugu 33 de be Monipebugu mara kono. O kelen - kelen bee ye mog'o 300 ye, fo ka se 5000 ma.

Bakayi Ture
Beledugu Masina

Jeli Baba Sisoko

Jeli Baba fatura san 2001 kalo tan ni filanantile 25 Bamako. Ayemalidenw bee bila jenafin na, kerkenkerennenya la minnu be arajo lamen sanko taratasu baro.

Jeli Baba n'a ka maanaw ye kobaw ni babaw tige, ka kulubaw kosagon.

Jawara Fofana
Sekora-Seyala-Kayi.

Baara numanw keli

Kabini Ala ye dije da k'a fil'a ko, a m'a ne munnu ka dije laje tugun. Suw be tanu walasa jenamaw ka numanw ke. Jeli Baba ko ten. Mali Jeli Baba! farafinna Jeli Baba! Diye Jeli Baba! Jelifaama! Jeliw ka filtineyelen! Jeli Baba e ni ce, i ni fasojo! E ni kunun! i ni bi, i ni sini! Ala ka hine i la. Ala ka lahara nogoy'i ma ni dije ye.

Abudulayi Bangali
Zenelani AV II Kelela Sikaso

Jeli Baba Sisoko

Jeli Baba fatura san 2001 kalo tan ni filanantile 25 Bamako. Ayemalidenw bee bila jenafin na, kerkenkerennenya la minnu be arajo lamen sanko taratasu baro. Jeli Baba n'a ka maanaw ye kobaw ni babaw tige, ka kulubaw kosagon.

Jawara Fofana
Sekora-Seyala-Kayi.

Ntolatan b'a fe ka bo tulon na.

An be don min na i ko bi, ntolatan te tulon k'a ye Malikonka ne y'a klosi ko togodalamogow ye ntolatan faamuya fo k'a cejuguya. Ne be nin kuma fo ka da mun kan? Ni dugu do ni dugu do bilala nogon na fo do ka se do la; nka ni dugu do sera man kan be mine k'a wuli f'a laban be ke kelle ye. A be ke sababu ye ka mogokorobaw da don kelle la; o ye fen ye min man ni. Ne b'a jini denmisew fe u ka mankan dabila, ntolatan ma dabo kelle kama. Ntolatan dabora nogondon ani nogonjene doren de kama

Basiru Kulubali
Sananku Falaje Kati.

Tulotige bë fali somi

Ninkera cë dòn'a furumusoye Bamako «Ipodoromu» kin na, n'o ye sokurusikene ye zanwiye kalo tile 7, san 2001.

Bakari bë baara ke jamana ka waribon dò la; nk'a sigiyorò bennet don ipodòromu ma. An bë don minna i kobi a si bë san 45 la. Waati minna tilala kalan na a ye baara damine Moti.

A ye motimusoi dò furu. A yelema Bamako yan, a ni muso nana noggone. U ye denmusonin kelen soro. Muso in kamalen wulila fo Moti ka na Bamako yan. Kamalen in togo ye ko Sanba Bubu. A tun be montoro feere. Don dò Sanba Bubu taara bo muso ye. Muso y'a jira cè la k'a bënke don; k'u momuso ka lagare don. Bakari n'a muso be bo Moti tuma minna o y'a soro Sanba Bubu bë kalanyorò la.

Furu ye Sanba Bubu bonya k'a karama, kamalen in tun be toka taa b'u ye karidonyaw fe; dumuni minna d'a ye o bë dilan ka d'a ma. Te bë wuli a ye. Ni dumuni kera cè b'a ka moto ta ka bo. Ni cey'i k'don doron Sanba Bubu ni muso be don k'u da so kono.

Nin karidon, cè benniden ni muso tun be finiko la. Dumuni kera tuma minna cè bora k'a bë t'a tñogon do bara; Sanba Bubu ni muso donna so kono. Benniden in be sannalakoliso dò la. Muso donna k'o to finiko la. Sugurun segenen donna so kono k'a bë t'a f'a ba körümuso ye k'a ka na u ka finiko to laban joona. A taar'a soro Sanba Bubu ni muso bilisalen bë noggona. A seginn'a k'o ka n'a ke kasi ye.

Muso bora so kono ka n'a sor'a kasi la, k'a nininka ko yala a bë kasi munna? Ak'o ma bënuwariji yelema bënuwari derel'a bolo kan. Nka kofe a ye fen in nefo bënke terike dò ye. O fana y'a nefo Bakari ye. Okelen, cè y'a jant'a yere la. Kari min dar'o kan Bubu ma na. O kari kunjogon Bubu nana, cè ma fosi f'a ye. Dumuniw bë d'a ma u dicogo koro la, te fana bë wuli a wulicogo koro la. Bamananw ko munju bë si bë sekili la. Musoce ye do far'a ka nisondiya kan. Tuma minna u ye dumunike k'u fa, cè y'i kant'a muso ma k'a terike dò ka kan k'ataa Faransi, a bë t'o bilasira. Cè yere ka fo la, o don a ye sefawari dorome kemé bë k'a di, k'a lewa joona. Nka cè seginna ka n'u soro so kono. A ye da gosi. Muso fofo bora ka dayele.

A seginna i koro ka t'a f'a namake ye ko cè nana, ka soro ka letereforoko dota ka bë k'a fo furuce ye ko cè tun be k'a lewa kalan. Furuce ye muso nininka

ko yala a ye letere kono k'ow be faamu wa? A y'a jaabi ko : «ohon». Furuce y'a jir'a la k'o tuma a ka feere ke k'a ka minenw bëc cè; a ka kan ka segin fen o fen nöfe, a k'u bëc cè. Cè taara «kaare» nöfe, k'i kanto kamalen makomobilisara ye dorome 3000 ye, k'a k'o bëc sara. Cè ko muso ma k'a ka taa ni denmusonin y'a bolo. Cè in tun kaarila musofuru yere ko. Nk'a bangebagaw y'a jira k'a ka muso furu, walasa a ka hadamadenya ka sabati. Aye kura min furu o la, o togo ko Asitan Berete. Don dò cè bora baarayorò la ka n'a soro muso kura terimuso be k'a f'a ye ko cè ka soro t'a yere labo sango ka mago ne furumuso ye. Terimuso in togo ye ko Kadija Keyita. Ako Sitan Berete mak'o ne b'ale labencogo numan minna, ko cè t'o d'ale ma k'ale b'i munumunu de. Asitany'a jaabi k'ale bë dan a cè ma, ko laban te kamalentige la. O folen Bakari lafiyara : a ye da konkon ka don so kono.

O duguje a sera polisi la ka seben tige ka t'a di terimuso in ma a cè bara. Bamananw ko ni nturanin ye mogomin fa faga n'i ye nturanin wëre ye, i bë siran.

Cey'a jira polisi la k'ale muso terimuso don, nk'a t'a fe k'a y'a ka so tugun. Muso k'a y'a men, k'i k'o don.

Fuseni Jara ko Maniwe
Sanfilii Bamako

Nininkali ka bë Baraweli

A sebennen bë san 2001 desanburukalo Kibaru kono, hijitaa lahalaya la, ko : «san 2002 hijitaa musaka bë ben sefawari miliyon 1 ani 607 ni 170 ma». Ne ma foyi faamu nin yoro in na.

Ne be min nöfe, o ye : ni wari da bë seben ni tamako da don, tama ka seben da nöfe; ni doromeko da don dorome ka seben da nöfe. Min yere ka fisa o ye doromeko ye, bawo tamako jate faamu man di kalandenw fe minnu ma nansarankalan ke.

Misali : n'an ko : Kibaru den kelen ye dorome 15 ye, ne hakili la bamanankanmenbaga bëc b'o faamu nka n'an ko : Kibaru den kelen ye sefawari walima tama 75 ye n'ma d'a la ko kalanden caman b'o faamu.

Komi kibaru dabora bamanankan kalandenjolenw de kamä, ne hakili la da minnu bë seben a kono olu ka kan ka seben bamananw ka wari jatecogo la.

Ali Kulubali balikukalankaramog
Tamani Baraweli

Jaabi

Kibaru be Ali Kulubali ladonniya ko fili kera Makanta war hake la. A tun bora kibaru kono ko wari bëc lajelen be ben sefawari miliyon kelen ani 607 ni 170 ma; o te ! min ye lakika ye, sefawari miliyon 1 ni 106.000 ni dorome 300 ni 20. Ali Kulubali ye tamako min fo, kibaru ma deli abada ka jate ke n'o ye, anwka jatew bëc lajelen ye doromejate ye.

Ka bë Kalabankoro

Ne b'a fe ka kuma Bamako gerebuko kan. Ne hakili la a delila k'a fo arajo ni jabaranin na ko dabali bëna tige gerebudenko la, walasa ka denmisenniw lakana. A kôlosira k'o kuma ma fen bo gerebudenko la, bawo tige yere la Bamako gerebudenko kelen don damateme ye bi. Ni denmisenniw de yesinnesigye, ne hakili la gerebudenw tene y'o la. Bamako kono bi, mobili joyorò la, i bë gerebudenw finnen ye nbedda fan fila bëc kan. Mibiliw mana jo doron u bë firi u kan.

Jatemiye na, gerebudenw bë kalan waati saba kono, n'o ye saafoselilen ko sufe, fajiri selilen ko sogoma, selifana selilen ko tilegan. Nka n'inana Bamako nin waati kofolenw na, i bë gerebudenw feenselen de ye sirabaw kan n'u ka filenniw ye. Ni faamaw ma wuli joona k'u jo, gerebudenko bë ka jenge a ka sira ma, k'a yelema k'a ke warjinida doron ye. An bëc b'a don ko k'a damine yere mahoronya soro waati la san 1960 fo ka na se. Mali cemance fanga ma, gerebudenko tun man jugunin cogo la. Nka demokarasi ka juru yobali de ye maliden caman bila yeresagoke la.

Ni faamaw m'a laje ka bulonkono kalan yelema k'a ke lakoli ta cogoya ye, a laban bëna ke tineniba ye jamana bolo. U ka kan k'a laje ka sariyaw sigi a kola. Ni karamogo min ma ne gerebudenw kalanni ko, a ka jini o tigi fe a ka kalosara jini gerebudenw somogow fe. Mogoo mogoo mana o sariyaw soso, olu ka kan ka nangi.

Yaya Mariko
Kalabankoro - Kati mara

Mogow b'u ban kemeduurubiye ni biduuruganan na

Anw fe yan sisani mogow te son kemeduurubiye ni biduuruganan na. U y'a jira k'olu te mine bilen. Ne b'a fe kibaru mogow ka kunnafoni da mogow tulou kan nin ko la.

Bafa Konate Kunuku-Konsofoni Namina

San 2002 Wotekow : Kana basigili feereba bolodalen

Nténendon, san 2002, marisikalo tile 18, Malijamanadenw lakanani minisiri Zentrali Cékura Dunbiya ye jekulu do bisimila min ka baara nesinnen don san 2002 wotekow lakanani walew ma.

Min nininen don jekulu kerenkerennen in fe, o ye a jeniyoro finni ye peresidansigi ni wote nata taw la, i n'a fo a y'a seko damajira ke cogo min na san 2002 KUPUDAFIRIKI waati ka kana basigi Mali seleke naani na. K'a damine sandaramaw la fo ka na se polisiw ni maraw lakanani nemogow ma, olu bee tun be kene kan.

Minisiri Cékura Dunbiya tun b'a fe k'a don tonsigi in senfe n'o y'a soro u jera ka feere min boloda k'a jira peresidan Alifa Umaru KONARE la san 2002 marisikalo tile 9 kana siratige la wote nataw waati, n'o feere kunnafoiw kunkun n'a nennet ker'u tege kono. O feereba ka kan ka bee lajelen deme k'i ka mara lakanani feere kerenkerennenw dabali, bawo maraw bee n'u cogoya don.

An ladonniyara ko taabolo caman be kana basigili feereba in na, i n'a fo : ka yaala ka yorow kolosi, ka kunnafoiw nini, ka wote yorown'u minenw lakan, ka wote kecogo laje ani ka deme don wotekelaw ma minnu mago be kunnafoiw na wote sira kan. A jirala ko dugubaw lakanani baaraw bena ke polisiw ni sandaramaw fe k'a soro maraw konoona bena lakan sandaramaw ni garidiw fe.

Min ye sorodasiw ye, olu bena taa korenfela maraw kana basigili baaraw ke. U bema yaala-yaala yorow ni nogn ce kolosili kadara kono. Garidiw ben'u wasa don Kulukoro korenfela la.

Sandaramaw ka nemogo y'a jira tonsigilaw la ko kana basigili wale in ma dabo mogow lasiranni kama. O de koson, a nininen don finitigiw fe, u ka baara in ke ni sutura ye.

Minisiri Cékura DUNBIYA ye jamanakuntigi Alifa Umaru KONARE ka foli ni tanuni ni walejumandon lase finitigiw ma, minnu m'u to to kana basigili la Mali tonkun naani na KUPUDAFIRIKI waati. Taalen nefe a ko «KANI-2002» labenna cogoya min

na wasa ni kunkorota kono, o kera sababu ye k'an ka jamana mankutu diya dije fan tan ni naani bee la.

Minisiri y'a jira tuguni k'o danaya sinsinnan n'o sementiyalan y'an bolo san 2002 wotekow labenni ye laadiriya ni jelenya ni kana basigili kono.

Cékura DUNBIYA y'a nini finitigiw fe u kan'u sen don politikitonw ni nogn ce kow fansi la, bawo olu de ye jaratigebagaw ye. Peresidan Alifa Umaru KONARE yere y'a sinsin o yoro kan a ka jemukan do kono, a ye min lase jamanadenw man Mali finitigiw ka donba gintanw senfe Gawo san 2002, marisikalo tile 2.

Minisiri Cékura DUNBIYA ka foli la, san 2002 wotekow keli basigi ni lafiya ni jelenya ni laadiriya kono, o ye Mali lakan jekuluw bee lajelenka kunkorota ye, k'a damine polisiw la ka na se sandaramaw ni garidiw ni sorodasiw ma. U ka bolodijognoma ni nognada nijkabaara basigilentaamasiyendon. An b'aw ladonniyara ko kana minisiriso tun ye sefawari miliyon 240 nini peresidansigi baaraw kama nka ben ker'otilance kann'oye sefawari miliyon 120 ye, u ben'u wasa don kasabi min na.

Salimu TOGOLA
Basiriki TURE

Maliden 5.746.202 yamarualen don kalata la

Ciyakeda min ka baara nesinnen don Mali wotesebenko labenni ni partitiw ka nafoloko ma, o ni politikitonw ni kunnafonilaselaw ye nognye ke, san 2002, marisikalo tile 28 n'a 29, walasa u ka doonin fo nogn ye wotesebenko lahalaya kan.

Mogow ladonniyara baro in senfe ko maliden minnu bema ye san 2002 peresidansigi kalata la, o ye mog 5.746.202 ye.

Sikaso mara be ten kan ni wotekela 870.057 ye. O ko Segu be na ni mog 826.334 ye, ka Kulukoro d'o kan ni mog 806.216 ye. Moti tugulen d'o la ni wotekela 777.681 ye, ka Kayi d'o kan ni mog 679.700 ye. Bamako kafo be Kayikoni wotekela 663.014 ye. Min ye korenfela ye ni jama man ca yen, Tumutu wotekelaw hake ye 296.721 ye, ka Gwo d'o kan ni mog 277.483 ye ani k'a laban ni Kidali ye n'o wotekelaw hake ye 42.365 ye.

Maliden minnu be jamana koka n'olu yamarualen don ka wote peresidansigi la, o hake ye 506.631 ye.

Min ye wotekeyorow ye, o hake ye 12.004 ye jamana seleke naani bee la. Ajiralakunnafonidilawni politikitonw ka ciden yamarualen na ko wotesebenko ni wotekaritiw bee dilanna k'a ban san 2002, marisikalo tile 21. Marako minisiriso y'u bee bila ka tu taayorow la.

Politikitonw mogow da sera geleya caman ma wotekow labenni sira kan, i n'a fo bugunnatigesebenko ni lakodonnisebenko were, minnu wajibiyalen don wotekelaw bee kan. Jama ladonniyara ko mog be se ka wote ni seben kofolen ninnu ye ani mobilobiliseben ni baarakeseben Bamako kafo kono. Min ye maraw kono ye, ni seben kofolen ninnu te mog minnu kun, wotekela fila be se ka k'olu kelen-kelen ka seere ye, u ni minnu togo be wotesebenko kelen kan. Mara minisiriso nemogo y'a jira ko togosebenba min kera jamana kono wote nemogo, k'o seben neremuguma min dir'an ma o fana be se ka k'an ka bugunnatigeseben ye.

Mara minisiriso ni wotekow n'enabo ciyakeda taw y'a jira tonsigi kene in kan, ko n'i y'a ye sinsinni be ka ke bugunnatigesebenko kan, a kunye ka caman bo nanbara ni yurugu-yurukow la kalata waati. A jirala ko geleya werew be yen, in'a fotomanma minnu ka baaraw n'u faw n'u baw n'u ka duguw wali sigidaw bee ye kelen ye. Jatemine y'a jira k'o be se ka ke mog kelen togo sebennen ye siye fila walima togomanmaw, bawo oka ca an ka jamana kono. Nka a mana ke cogo o c:io, feere bee do tigera k'o geleyaw n'u nognhaw kurnben.

Salimu Togola
Basiriki Ture

Peresidan Alifa ye kunnafonidilaw jaabi.

Dogokun nataw kono Mali ka kan ka kalataw ke; o konew be damine san 2002 awirilikalo tile 28 jamanajemogosigi la.

A te teme kalo fila kan tuguni jamanajemogo ka kan ka fanga bila, k'a to mogo bolo min ka kan ka san duuru ke fanga la. Nin y'a siye folo ye jamana ka taariku la jamanajemogo fila ka fanga lateme pogon ma ka soro jamana kono ma wusu. O kadara kono peresidan Alifa ye Sidiki Konate (Arajo), Gawusu Darabo (Lesori) ani Sanbi Ture (Enfo-maten) ka wele jaabi. Sidiki Konate y'a jira ko kuma in ma dabo jamanajemogo ka san 10 fanga baro kama; a dabora ko damadaw kan minnu fanga ka bon,

politikimogow nidonni ye jamanajemogoyanini na ani danaya min be politikimogow ni forobaciyaakeda ce ani wote konew nenabu jekulu «RASI» ka laben kecogo numan, ka fara filiw kan minnu yera kene kan san 1997 n'olubena ke sababu ye ka hakili numan di mogow ma. Alifa y'a jira ko forobaciyaakeda man kan ka fan si deme.

Peresidan y'a jira ko ben kera fenba minnu kan olu ye korenfela konew ye ani larame ani ben sabatili jamanadeni ni pogon ce.

Nka benbaliya minnu y'a segen olu ye san 1991 marisikalo tile 26 konew donni ye bogola, ani kalanbaliya min kera lakolisow fe. Nk'a y'a jira ko

Alifa y'a jira ko diyagoya ye faso nafolo dunni keleli ye sabu demokarasi taalan do y'o ye. A ko nenawolmani ma k'a ko la, wa bee ka kan k'a jeniyoro fin a la. A ko lakalita nininaw ni mogowerew ka kan k'u joyoro fa nin ko la, i n'a fo ka waridunnaw weleli fanga la. Min ye juruko ye a ko mogo caman b'a kuma fo ka so'utefosi don a kola. Fen kelen be yen min ye wulibali ye, juruba be jamana minnu na farafinna an ka jamana t'olu la.

Min y'a taali ye ka bo Kuluba, peresidan y'a jira k'o pogon ma dili ka ke Mali la, nka ko demokarasiko diya do y'o ye.


Ale be hamni ni fen min ye bi o ye kalataw kecogo numan ye walasa min be sigi san 2002 zuwenkalo tile 8, o n'a hakili dafalen ka se ka sigi.

A b'a fe min bena sigi o tigilamogo ka sin ka baaraw damine yoron kelen ka soro taakasegin caman ma ke.

Alifa y'a jira ko mogo min bena sigi n'o y'a naniya ko fanga walima toriya kana taam'ale kan, ale b'a ban emma, ka sago don a ka san 10 kewalew nininkali ka k'ala. Akojamana jemogo korete se ka bila tenfa ka kewalew ka jira jamaden b'la.

Min y'a ka baarako ye n'a ye fanga bila, a ko fo jamana jemogo kura ka sigi folo. A be min don, ale koni ten'a sigi k'a bolo fila d'a sen kan.

Alayi Camu
Badama Dukure



Peresidan Alifa Umaru KONARE ni kunnafonidilaw ka mansala

n'u be jamana ka cesiri kofo. O koso da sera fen mirunu ma, olu ye jamana kobawyeyin'a fokalata nataw ani kaniko ani ciyakedabaw ani ben kera fen minnu kan, ka fara benbaliyaw kan ani peresidan koro n'a muso ka konew, ka fara Alifa yere tangali ma ka bo sariya bolikoma a kan n'a bora fanga la. Min ye kalataw ye Alifa Umaru Konare k'a be cogoya bee ke walasa kalataw ka ke ben ni hakilisigi kono ani fasodennumanya la, walasa peresidan min bena sigi aleno na o ka fanga ta here ni baaden na, in'a fo ale ta kera cogo min na san 1992 nisan 1997. Alifa ka fola kalataw ni sababa be se ka ben k'a sababu ke

minnu b'a konew nedon, olu na san 1991 marisikalo tile 26 bonja segin a ma. A ko min ye lakoliko ye politikilamogow ka kan k'u sen b'o la. Lakoliko geleyaw man kan ka baaraw dogo minnu kera san 10 labanw kono na ka nesin lakoliko ma, i n'a fo lakolisow ni karamogow ni lafiyali. Peresidan Alifa bena ciyakeda minnu bil'a nonabila koro olu ye mara ka segin so ye ani faso nafolo dunni keleli ani juruko. A ko maraseginso dabora jamana dilanni de kama jamanajemogow fe. A be ke sababu ye ka faantanya keleli ni sigidaw lakanani ni jamanaw kalali pogonna baaraw dagun.

Mali be ka taji nini

Tajiko siratige la an ka jamana be ka taaje boloda ninini ni dugujukorofen lacayali hukumu kono. Benkanseben do labenna ka bolono bil'a la alamisadon fewuruyekalo tile 7 san 2002 jamana dugukoloko n'a dugujukorofen baarada nemogo Modibo Kulubalin Faransitajiko baarada nemogo Batisiti Zuforoyi fe. Nijamana tilebinyanfan lakodonnen don nisanuw ni dugujukorofen wye, Sahara kono ta ye taji ye, i n'a fo Tawudeni yoro ni Adarari de Ziforasi. Nin yoro kofolenw bee lajelen be ben baametere 800.000 ma.

C. A. Ja
Badama Dukure

Dijne miliyaritigiw jiginna

Lameikenw ka kunnafonisben ka fo la n'o ye « Foribesi » ye dijne seleke naani miliyaritigiw ka ton ni tonden mogo 41 farala nogon na san 2001 ni san 2002 furance la k'a sababu ke dijne soro ko gerendeli ye; minnu tora ton in na, olu jiginna dugumana na ni sefawari miliyari 133.000 ye.

A jirala ko nin ye Bili Geyiti bolo kunnafoni duman ye, ale min ye kunnafonilasagon mansinko n'a minenw (mikoro oridinateri n'a lozisiyeliw) nemaa folye. Mikorosofiti be ten kan san caman halin'o y'a soro sefawari miliyari 2000 ntarakir'a la. An be don min na i ko bi a ka nafolc be ben sefawari miliyari 37.000 ma.

Min ye dakabanako ye, musakabola nogonyebali Warenni Bilifeli kera fitananyek'a sababuk'a ka waribaara nedon kojugu ye fo tow b'a wele ko sinikow nedonnajana. Aka waribaara nedon kera sababu ye ka sefawari miliyari caman far'a ka nafolo kan k'o ke sefawari miliyari 24.500 ye.

Alimani denbaya do min lakodonnen te fiyewu, k'a sababu k'a ka fenw jensenni ye songo dadumanbaw la, o kera sabanan miliyaritigiw ka sebenba kan. Denbaya in ka nafolo bilama be ben sefawari miliyari 18.700 ma.

Fenw jensenni nemaya be denbaya min bolo dijne seleke naani na n'o ye Walitoni ka denbaya ye, o ka mogu duuru be tan folow cema sebenba in kan i n'a fo Jemi, Joni, Orobinsoni, Alisiani Hellen minnu dalen don nogon kan ka jigin n'u ka nafolow hake b'a ta sefawari miliyari 14560 la ka se 14.280 ma. Mogu lakodonnenba do bora tan folow cema, n'o ye Sawudika Aliwalidi Bin Talali ye, n'ale kera 11nan ye. Nka ni san 2001 n'i ye san 2002 da nogon koro a be ye k'ale ka nafolo hake tor'a bolon'o be be ben sefawari miliyari 14.000 ma.

Faransi miliyaritigi folo ye Liliyani Betankuru ye; ale ka nafolo be ben sefawari miliyari 10.500 ma; nka dijne seleke naani miliyaritigi koro sebenben don sebenba min kan, tan ni sabanan don yen. Amerikenw ka duguba Niwiyciki komini n'o

ye meri ye, Mikayeli Bulumuberigi kera 72nan ye; a jirala k'ale ye ceganan ye; a ka nafolo be ben sefawari miliyari 3080 ma.

San 2002, lakanitasben Foribesi» ka miliyaritigi jatelen tun be ben 538 ma dolariwari la; ninan taw ye 477 ye. A kolosra ko lamerikenjamana ye miliyaritigjamana ye; u ka mogo 243 be ton in na. Nansarajamana tow ka miliyaritigi ye 121 ye; Azijamanaw taw dalen don olu kan, olu ye mogo 70 ye.

Badama Dukure

Ka bo Itali jamana kan

Antoniyo Tode min tun ka koro ni dijne bee lajelen ye, o sara a wolodugu Cana kono, Saridepi mara la Itali jamana kan. Zanwiye kalo tile 22, san 2002 tun b'a ke si se san 113 ye.

Bagangenna tun ye Antoniyo Tode ye, nka a tun ye baara bila ka se san naani ma. A be bange san min na n'o benna Faransi dakabanasoba «Turu Efeli » ban waati ma, o y'a soro Itali jamana peresidan Benito Musolini be lak lako idenya la.

A ye san tan ke filiya la; denmuso fila

b'a fe minnu si be san 80 nisan 77 na. A y'a ka dijelabo bee ke Cana dugu kono. A dalakuma tun ye sanga ni waati bee lajelen na, k'i b'i niyero ta don n'a duguje la ka taa nefi o cogo la.

Antchiyo Tode ye dijne keleba folo ke. A ka duntaw tun ye : sumandegew, najimafeny, lesogo ni sagasogo. A ka dumunike waatiw la a tun be dolo litirtilance min. Mogokoroba sabalilen tun don a ka du kono. A fa sera san 90 ma, a balimamuso do si sera san 100 ma. Docon doren de y'a ba si je san 100 la. O sara k'a si to san 99 la k'a sata ke dumuni nogoen ye.

Badama DUKURE.

Politiki ye hadamadenya tige

Ne bolo, an ka jamana kono, politiki kelen don fen lagosilen ye. Politikimogow kelen don fen lankolonw ye. Nin bee politikimogow yere tigeni de fe. Horon, n'i ye fen min fo, i te se ka min waley, hali n'i ye togotigi ye, i be ke mogonin ye. Ne kelen ka yafa nini bee fe, ne b'a fo ko nkalon, nanbara, fitiriwaley, beesenkeniya ani walejuguw bee ka bo politiki la, walasa jamana ka se ka jo.

Piyeri Tarawele
Sankarebugu Bamako

TULON

Nin desen fila dilanbaga y'a dab'a kama ka fili 10 k'u la. A'y'olu nini.



Jirbilo la numero 9) - Miso narkonku. 10) - Biritu min be yorjisan na kinin fe.
Jirbonnen nini. 6) - Tege kons sebenrikheban nini ds. 7) - Jirbulu ds santeela la, kininfe. 8) - Jirbulu ds
1) - Bololanege ds ja. 2) - Kondan min be karn na. 3) - Wallanesmelan ja ds. 4) - Dulokijegen ds. 5) - Jirbu

JABBI

Samataségew degekaramogo taara

Hanri KASIPERIZAKI ye ntolatan degekaramogoye, malidenw bëe bëem dòn, bawo Alà n'ale sababu la Mali Samataségew ye san 2002 KUPUDAFIRIKI joçoro naaninan soro. Poloni degekaramogo in sera waati kunkurunninkonka Mali Samataségew laben cogoya la, min ye bëe lajelen wasa, k'an nisondiya. Mali KANI-2002 bannen ko, kunnafonidilaw ni Hanri KASIPERIZAKI ka dankan Sheki Fantamadi JALO yébaroke, u ka baara nataw kan. Fantamadi JALO y'a jir'u la ko bënkansében min tun be olu ni Mali ntolatankow ñenabòjekulu ce, k'obanna «KANI» dugusege. Taalen jefé, a y'a jira k'u be ka bënkansében kura labenni kono min kumañgonya daminena ni Hanri KASIPERIZAKI ye. A ko Mali ntolatankow ñemogow b'a fe cogo min na ka teme ni baara ye KASIPERIZAKI fe, degekaramogo in yere b'a fe k'a ka wale daminenan to laban ni Samataségew ye.

O köröfə sementiyara Mali ntolatankow ñenabò jekulu kuntigi Amadu JAKITE fe, min y'a jira k'ale yere ni Hanri KASIPERIZAKI kumana siñefila a toliko kan an bara. A ko k'u benna fo ka waati boloda, u bëna nogon soro min kono Faransi k'a ko to sinsin.

Nka Amadu JAKITE m'a dogokomogow bëe Hanri KASIPERIZAKI nofe degekaramogoya la, jamana caman kono. A ka foli la, o t'a bali olu k'u seko, damajira ke, walasa a ka to a ka denmisénw këretse, a ni minnu degera nogon na k'a ban, n'o ye Samataségew ye. Amadu JAKITE yere tun ye san 2002, mariskalolabande fouka bënkabëna sabati waati min kono.

Malidenw hakili sigilen balala k'a men arajo la ko Hanri KASIPERIZAKI yere y'a jira k'a y'a bolono bila bënkansében do la, min b'a yamaruya k'a ke a yere ka jamana. Poloni ntolatankulu do degekaramogo ye san saba kuntaala kono, n'o togo ko Wisila Karakowi.

Mogo t'a dòn min ye Hanri KASIPERIZAKI bila nin na, n'o te Samataségew kanu tan donna a la k'a ban, bawo a ni denmisénw tunye nogon faamu.

Baara min bëe Mali bolo sisan, oye Hanri KASIPERIZAKI nogonna do sɔrɔli ye joona sanni san 2004 KUPUDAFIRIKI kuwabaw ka damine, min janjo bëna taa laban Tinizi jamana kan.

Basiriki TURE

Isa HAYATU bë «FIFA» ñemogoya nofe

Isa Hayatu, an be yoromina, n'ale de ye Afiriki ntolatankow ñenabò jekulu «KAFU» kuntigiba yé, a y'a kan bo dijne ntolatankow ñenabòtonba «FIFA» ñemogoya nofe, k'a to «KAFU» ka tonsigi kene kan Keri dugukono, n'o ye Misirajamana faaba ye, san 2002, mariskalo tile 16.


Isa HAYATU b'a fe ka disi da Zozefu BILATERI ta la, n'o ye dijne ntolatankow ñenabò jekuluba «FIFA» kuntigi ye an be don min na i ko bi.

Isa HAYATU k'a b'a bolo moono bo joçoro in nofe, bawo «KAFU» ñemogoyaso ni Afiriki jamanaw ntolatankow ñenabò jekuluw y'u ka danaya d'a kantonsigi senfe min kera Farajela ntolatankow ñenabò tonba «WEFA» kuntigi Lenari JOHANSON ñena.

«KAFU» kuntigi y'a jira k'a sago ye ni kura donni ye «FIFA» baaraw la, walasa nafa caman ka soro a la Afiriki jamanaw ntolatan kuluw demeni kadara kono. A k'an be yoró min na sisan, Afirikintolatantónw sera yiriwali ye. Ale Isa HAYATU kodonnen te KUPUDIMONDI labenniko la jamana fila kono nogonfe, i n'a fo a bëna ke cogo min na san 2002, mekaloo tile 31 ni zuwenkalo tile 30 ce Zapón ni Kore jamanaw kan. Nka Afiriki fâma ka kan k'a wasa don dijne tulonba in labenni na san 2010, i n'a fo «FIFA» y'a jini cogo min na ka KUPUDIMONDI labenni bëo nogon koro dijne marabaw ni nogon ce.

Isa HAYATU k'a be san caman bo a terifarafinw bë k'a jini a fe a k'a kan bo «FIFA» ñemogoya nofe. A t'a fe k'u dusu tijé, k'u galabu faga, o de kosoñin siñe in sugandili a t'a fe k'o je. A dalen don a yere la, bawo jinan y'a san 28 ye balontankow ñenaboli baaraw la. Dönniya min b'a ia, o be se k'a deme ka «FIFA» baaraw bëe bo u sira fe. Nogondan b'a ni Zozefu BILATERI min ce, a k'o y'a teri ye halisa.

«KAFU» ñemogoko Afirikintolatankow



Isa Hayatu

ñenabò jekuluw b'a kôkôrò cogo min na, Farajela ntolatankow ñenabòtonba «WEFA» kuntigi Lenari JOHANSON fana b'a kôkôrò ten, ka fara Kore worodugujamana ntolatankow kuntigi Shungimoniñi kan. Isa HAYATU y'a jira ko jukoromadondonbaga werew b'a la, minnu y'a jini a fe a kan'u togo fo folo.

«FIFA» kuntigi kura bëna sugandi Kore ni Zapón KUPUDIMONDI dayelenni nekorosan 2002, mekaloo tile 30. Afiriki tonkon naani bëe ka dugawu bëe Isa HAYATU ye, walasa n'a sugandira «FIFA» ñemogoya la Afiriki bëe ka bo a nunma.

Basiriki TURE

YAMAP! kundu
Gawusu DARABO
Mali kanw kunnatonisébenw
baarada kundiq
Danze Samake
Kibaré
BP +24 - telephone 23-24-00
Kibaré Bridgeway Bozofa
Bamatkon Mali
Dilanbagat +1-520-520-520
Basiriki TURE
Sedjenbagraw kundu
Bachima Diukure
Elodjoum +24-24-24-000
Bolen Takere +600